

July 2018



UNIVERSITI
TEKNOLOGI
MARA

76th ISSUE

info kampus

UITM SARAWAK BULLETIN



ISSN 2232-1578



9 772232 157005

KARNIVAL SUKAN TERBUKA ANJURAN D'PLANTERS

Oleh: Suraiya binti Mahdian

Sering dengan seruan kerajaan "Majulah Sukan Untuk Negara", persatuan *D'Planters' Guild* telah mengadakan Karnival Sukan Terbuka pada 14 dan 15 April 2018 bertempat di Padang Futsal dan Tennis, UiTM Cawangan Sarawak Kampus Mukah. Penyertaan karnival ini terbuka kepada semua pelajar UiTM Kampus Mukah. Antara sukan yang telah dipertandingkan adalah jogathon, futsal, bola jaring, bola tampar, sepak takraw dan sukaneka.

Perlepasan acara jogathon pada hari pertama karnival merupakan simbolik perasmian telah dilaksanakan oleh Encik Muhamad Syukrie bin Haji Abu Talip, selaku Ketua Pusat Pengajian Sains Perladangan dan Agroteknologi. Turut hadir adalah pensyarah Fakulti Perladangan dan Agroteknologi UiTM Cawangan Sarawak Kampus Mukah.

Antara matlamat dan objektif penganjuran karnival ini adalah untuk memupuk semangat kesukanan dan amalan hidup yang sihat, mengasah bakat peserta dalam bidang kesukanan, mewujudkan sikap berdaya saing secara sihat, membangunkan modal insan yang kreatif dan inovatif berteraskan keusahawanan melalui pembukaan tapak jualan, memberi peluang kepada pelajar menganjurkan sesuatu program, serta memperkukuhkan semangat ukhwah dan mahabbah di kalangan warga UiTM Mukah.

Pemenang menerima hadiah berbentuk medal dan wang tunai. Karnival ini berakhir pada jam 7.00 malam, 15 April 2018 dengan acara penutupan oleh tetamu kehormat, Encik Muhamad Syukrie bin Haji Abu Talip.



Siri 1
KUMPULAN 1



Siri 2
KUMPULAN 2



Latihan Kecergasan dan Fizikal Polis Bantuan UiTM Cawangan Sarawak

Oleh: INSP/PB Mohamad Shalihin Hj Salleh

Unit Polis Bantuan UiTM Cawangan Sarawak telah menganjuran Latihan Kecergasan dan Fizikal Polis Bantuan UiTM Cawangan Sarawak pada 5 dan 12 Mei 2018 di Gunung Serapi, Matang. Latihan ini bertujuan melatih kekuatan fizikal dan mental Unit Polis Bantuan. Selain daripada itu, ia juga secara tidak langsung dapat merapatkan silaturahim sesama peserta serta memupuk semangat bekerja dalam sebuah pasukan. Latihan ini telah diadakan sebanyak dua siri dengan disertai oleh dua puluh lima Pegawai Kanan dan anggota Polis Bantuan semua kampus UiTM di Sarawak iaitu Kampus Samarahan, Kampus Samarahan 2 dan Kampus Mukah bagi setiap siri. Pendakian gunung bermula pada jam 7 pagi dan semua peserta telah berjaya menamatkan pendakian pada jam 3 petang. Turut hadir adalah ASP/PB Mazlan Haji Takap, pegawai keselamatan kanan.



UNIVERSITI
TEKNOLOGI
MARA

Corporate Communications and International Relations Unit

**Universiti Teknologi MARA Cawangan Sarawak
Blok Pentadbiran, Kampus Samarahan 2
Jalan Datuk Mohd Musa
94300 Kota Samarahan
Sarawak, Malaysia**

Tel: 082 - 678 130 | Fax: 082 - 678 110

E-mail: korporat_swk@uitm.edu.my

www.sarawak.uitm.edu.my